

SAKSPAPIR

Saksnr	Utval	Type	Dato
054/22	Formannskapet	PS	09.06.2022
059/22	Heradsstyret	PS	23.06.2022

Saksbehandlar	ArkivsakID
Hege Eeg	22/1306

Framtidig organisering og finansiering av veterinærer

Vedlegg:

Veterinærene i vaktdistrikt Bergen nord sine krav til videre samarbeid med Osterøy Kommune
Rådmannen sitt framlegg til vedtak:

Heradsstyret vedtek å tilsetje to veterinærer. Rådmannen får mynde til å tilsetje og avtale dei nærare vilkåra for tilsetjing.

For 2022: Det skal vere innanfor ei økonomisk ramme på inntil kr. 450.000. Inndekning og justering av budsjett vert i 2. tertial.

For 2023: Det skal vere innanfor den økonomiske ramma på 1.350.000 inkludert tillegg for pensjon og avgifter/sosiale ytingar. Dette skal dekkast innanfor det ordinære budsjettet.

Formannskapet - 054/22

FS - behandling:

AVRØYSTING:

Rådmannen sitt framlegg vert samrøystes vedteke

FS - vedtak:

Heradsstyret vedtek å tilsetje to veterinærer. Rådmannen får mynde til å tilsetje og avtale dei nærare vilkåra for tilsetjing.

For 2022: Det skal vere innanfor ei økonomisk ramme på inntil kr. 450.000. Inndekning og justering av budsjett vert i 2. tertial.

For 2023: Det skal vere innanfor den økonomiske ramma på 1.350.000 inkludert tillegg for pensjon og avgifter/sosiale ytingar. Dette skal dekkast innanfor det ordinære budsjettet.

Heradsstyret - 059/22

HS - behandling:

Framlegg og avrøysting kjem fram av voteringsprotokoll som ligg nedst i samla møteprotokoll.

HS - vedtak:

Heradsstyret vedtek å tilsetje to veterinærar. Rådmannen får mynde til å tilsetje og avtale dei nærare vilkåra for tilsetjing.

For 2022: Det skal vere innanfor ei økonomisk ramme på inntil kr. 450.000. Inndekning og justering av budsjett vert i 2. tertial.

For 2023: Det skal vere innanfor den økonomiske ramma på 1.350.000 inkludert tillegg for pensjon og avgifter/sosiale ytingar. Dette skal dekkast innanfor det ordinære budsjettet.

Saksopplysningar:

Saksopplysningar:

Bakgrunn

Det har vore store utfordringar i veterinærtenesta i år. Det har vore for få veterinærar og sjukdom. Dette førte til at kommunen sto utan veterinær på vakt i perioden 22.-28.4. Kommunen har plikt etter dyrehelsepersonellova § 3a å organisere ein klinisk veterinærvakt utanom ordinær arbeidstid. Det omfattar både stordyr- og smådyrspraksis. Det er og krav om at kommunen skal sørge for tilfredsstillande tilgang på veterinærtenester. Det er eit problem for fleire vakt-distrikt å få tak i nok veterinærar. Det utdannast generelt for få veterinærar og færre som vil drive stordyrpraksis. I tillegg har pandemien gjort at fleire har skaffa seg kjæledyr og dette har ført til at enda fleire vel smådyrspraksis. Dette gjeld heile Europa.

Status i dag, er at vi har to faste veterinærar på dagtid, Bjørn Hallan og Maria Lindborg og Geir Jakobsen som vikar, førebels ut juni. Vi er i dialog om vidare engasjement. I tillegg har vi hatt ein veterinær som har teke nokre helgevaktar (tors-mond). Ut frå det heimesida, kan vi ikkje sjå at Osterøy veterinærklinikk har vakt for smådyr.

Bjørn Hallan er tilsett som kommuneveterinær i 100 % stilling og mottek ca. 120.000,- i året. I tillegg kjem pensjons og avgifter/sosiale ytingar. Maria Lindborg mottek driftstilskot med ca. 95.000,- i året.

Den grunnleggjande utfordringa er at ein ikkje klarar å ha ein tredelt vakt dvs. at kvar veterinær er på vakt kvar tredje veke. Dette har vore vanskeleg i mange år. Dei siste tre åra har kommunen motteke stimuleringstilskot. Dette har gjort at kommunen har fått tak i ein tredje veterinær i perioder. Vi klarar diverre ikkje å halde på dei og det skuldast for lite arbeid på dagtid.

Kommunen har difor jobba med ei løysing kor 1-3 veterinærar delar den tredje vakta.

Veterinærane har kome med krav for å fortsetje som veterinærar på Osterøy:

- Oppretting av 3 kommuneveterinærstillingar med ein årsløn på kr. 300.000 til kvar med årleg justering frå 2023 totalt kr. 900.000.
- For 2022 krev dei til saman 450.000 for siste halvår.
- Kommunen har ansvar for å skaffe vikarar ved sjukdom
- Minimum tredelt vaktordning
- Fastsett kompensasjon ved ekstravaktar utover tredelt vakt

Finansiering

- Kommunen mottok tilskot frå staten til å dekke kostnadane med vaktordninga. Satsane er faste og bestemt av staten.
- Kommunen vil søke om stimuleringsstilskot så lenge det er mogleg. Dette har dei siste åra utgjort kr. 300.000. Dette har vorte fordelt mellom veterinærane i si heilskap.
- Det ligg inne i budsjettet/rekneskapen ei løn til Bjørn Hallan på om lag kr. 120.000 og eit driftstilskot på om lag kr. 95.000 til Maria Lindborg.
- For å gi dei ei løn på 300.000 kvar, må det bevilgast ytterlegare midlar. Stimuleringsstilskotet vil inngå i finansieringa, så lenge det vert innvilga. I tillegg til lønen vil det komme utgifter til pensjon, arbeidsgjevaravgift og andre sosiale ytingar. I tillegg kan det kome utgifter til vikar.

Bjørn Hallan har vore i kontakt med ein erfaren veterinær som gjerne vil kome tilbake til Bergensområdet om ho får stilling frå januar 2023. Veterinærane krev at ho får direkte tilsetjing utan kunngjering av stilling.

Hallan og Lindborg har familiesituasjonar som gjer at det er heilt uaktuelt å ha ein todelt vakt.

Geir Jakobsen vurderer å vere vikar ut 2022. For hans del vil det vere aktuelt å motta tilskot. Han har ei eige ordning og administrasjonen jobbar med vilkår vidare engasjement.

Vurdering

Kommunen treng veterinærar for at bøndene skal kunne halde fram med drifta. Det er ikkje haldbart å stå utan veterinær, slik vi gjorde i april. Dette førte til dyreliding og var ei stor påkjenning for bøndene som trengte hjelp.

Rådmannen vurderer at det er fleire moglege løysingar. Den løysinga veterinærane har føreslått, vil syte for ei berekraftig organisering og gi god veterinærdekning. Ved å tilsetje kommuneveterinærar, vil dei forplikte seg til å gjere kommunale oppgåver. Veterinærane er positive til dette. Dette vil auke ressurstilgangen i kommunen i perioder med låg aktivitet. Det må utarbeidast eit årshjul slik at dette kan planleggjast i størst mogleg grad. Ei av arbeidsoppgåvene må vere deltaking i veterinærvakta og administrasjon av denne. Det er naturleg at dei bistår med å skaffe vikar ved behov. Det er ikkje inntektsgrunnlag for meir enn to veterinærar på dagtid. Det er mange oppgåver som kan vere aktuelle; viltforvaltning, vikar i helsesektoren osv. Det kan verte stilt krav om vakt for smådyr. Dette må drøftast med veterinærane. Dersom dette ikkje kan utførast av dei faste veterinærane, må ein sjå på fordelinga av midlar.

Ei tilsetjing vil føre til forpliktingar for kommunen. Tilsette har krav på opparbeiding til pensjon, sjukepengerechtigheiter osv. Kommunen har plikt til å lyse ut offentlege stillingar og kan som hovudregel ikkje tilsetje nokon direkte. Det må vere ei føresetnad at Maria Lindborg søker på stillinga. Stilling nr. 3 som kommuneveterinær, bør kunngjerast på vanleg måte. Bjørn Hallan er allereie tilsett og dersom det gjerast eit positivt vedtak, vil dette ha tyding for lønsutbetaling.

Det er eit lovpålagt krav om å kunngjere anskaffing av veterinærar til vaktordninga etter lov om offentlege anskaffingar. Dette har kommunen valt å ikkje gjere då det finns så få tilbydarar av slike tenester og vi har strevd med å få tilstrekkeleg med veterinærar. Det er i strid med regelverket.

Det vil vere ei føresetnad at veterinæren held alt han treng av bil, utstyr o.l. og at han dekkar eigne reisekostnader i samband med utføring av arbeidet.

Vaktordninga omfattar Bergen nord. Ei løysing om å tilsetje fleire kommuneveterinærar, vil auke kostnadene for Osterøy kommune utan at dette vert dekt inn gjennom samarbeidsavtalen. Dersom formannskapet vedtek den føreslåtte løysinga, bør samarbeidsavtalen reforhandlast.

Budsjettmessig inndekning

For 2022 Eventuell justering av budsjett vert å kome attende til i 2 tertial. Då veit ein meir om koronakompensasjon og auka skatteinntekter.

For 2023 Dette må leggjast inn i samband med det ordinære budsjettarbeidet.

Konklusjon

Rådmannen vurderer at det er naudsynt med ei berekraftig løysing for å kunne gi eit tilfredsstillande tilbod om veterinærtenester til bøndene.

Saka vert lagt fram for formannskapet med innstilling til heradsstyret.